

# فضل النكاح 1 | مدرسة الحياة 8241 | المجلس الخامس عشر

## | الشيخ الحويني

أبو إسحاق الحويني

ان الحمد لله تعالى نحمده ونستعين به ونستغفره وننعواز بالله تعالى من شرور انفسنا وسبيئات اعمالنا من يهدى الله تعالى فلا مضل له.  
ومن يضل فلا هادي له. واشهد ان لا اله الا الله وحده لا - 00:00:00

لا شريك له واشهد ان محمدا عبده ورسوله اما بعد فان اصدق الحديث كتاب الله تعالى واحسن الهدي هدي محمد صلى الله عليه واله وسلم. وشر الامور محدثاتها وكل محدثة بدعة وكل بدعة ضلاله وكل ضلاله في النار. اللهم صل - 00:00:26

محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد وبارك على محمد وعلى آل محمد كما باركت على ابراهيم وعلى آل ابراهيم للعالمين انك حميد مجيد - 00:00:53

فلا زال حديثنا موصولا في شرح هذا الصيد الثمين الذي سطره ابن الجوزي رحمه الله تعالى في كتابه الذي سطره ابن الجوزي رحمه الله تعالى في كتاب صيد وكلامه الرد على الذين يعبدون الله عز وجل بالجهل او بالهوى - 00:01:14

ولما زال ابن الجوزي رحمه الله يصحح لهؤلاء معنى الدنيا وان كل شيء في الدنيا لا يذم باطلاق بل ما خلقه الله تبارك وتعالى للناس ل تستقيم معايشهم ينبغي ان يمدح ولا يذم. الا ان يستعمله المرء في معاصي - 00:01:50

الله تبارك وتعالى ثم ضرب لنا الامثلة بالمخربين واصحاب العدالة من امة نبينا صلى الله عليه واله وسلم. فبدأ بذكر المال بدأ بذكر المال فقال فانه اي المرأة اذا اقتنى المال المباح وادى زكاته لم يلغ - 00:02:17

ثم ضرب لنا المثل ببعض الصحابة كالزبير بن العوام وعبدالرحمن ابن عوف وعلي ابن ابي طالب وابن مسعود رضي الله عنهم وذكر بعد ذلك طائفة من العلماء الربانيين بامثال الليث ابن سعد وسفيان الثوري وعبدالرحمن ابن مهدي رحمة الله عليهم اجمعين - 00:02:48

ولما كنت اتكلم عن سفيان امس آ ذكرت ان سفيان رحمه الله قال لولا هذه اي لولا هذه الدرارهم لتمدل بنا الملوك وانه ينبغي ان يعف العالم نفسه حتى لا يريق ماء وجهه. لأن هذا مذل لأن هذا مذلة للعلم - 00:03:17

ما ذكرت ويمكن ذكر لكم ان ابن الجوزي رحمه الله ذكر هذا في آ خاطرة مستقلة وظفرت بهذه القاطرة فرأيت ان اقرأها عليكم لانها مهمة وهي ان العالم ينبغي ان يكون عفيفا - 00:03:43

وان يصون ماء وجهه كما قال علي بن عبدالعزيز المرجاني صاحب كتاب الوساطة بين المتبني وخصوصه وليس هو علي ابن عبدالعزيز شيخ الطبراني الذي يروي عن ابي عبيد القاسم ابن سلام كتبه - 00:04:02

آ يقول ولو ان اهل العلم صانوه صانهم ولو عظموه في النفوس لعظم اهل العلم. فما يمتهن آ يعني آ العلم عالم الاذل حتى عند ارباب الدنيا يقول ابن الجوزي رحمه الله - 00:04:19

حضرنا بعض اغذية ارباب الاموال انت عارف ارباب الاموال عایزین وجاهاط لما يكون واحد غني مليونير يعني او مiliardir اه ويبيصللي تروح الجامع والكلام ده لما يلاقي شيخا مشهورا يحب يتعرف عليه - 00:04:42

ليه لأن ده هيتفعه هيدي له وجاهة مع قطع النظر احنا لانشق عن قلوب الناس ولا رجل يعظم في نفوس اقرانه من ارباب الاموال لا سيما كما قلت لكم. اذا كان الرجل ده يعني بيتفقى الله عز وجل وعايز يأكل حلال والكلام ده. فلا غنى له عن نصحه - 00:05:02

اذا كان عايز يأكل حلال فيبقى خلاص المفتى ده بقى عكازه. ها بيقى كل شوية يتصل به. فبرضه بعض ارباب الاموال يعمل بقى عزومات وحاجات زي كده. فينبغي عالم البصير ان يقدر آآ يعني المسألة حق قدرها - 00:05:24

مش كل واحد من ارباب الاموال يعمل عزومة ويدعوه يذهب لا لابد ان يكون من اصحاب البصر. ولا يبذلوا نفسه. شف ابن الجوزي وكما قلت رجل مجنوب وكان ابن الجوزي أشهر وأعظي الاسلام - 00:05:41

في ذلك القرن زي ما قلت لكم في مرة سابقة كان الخليفة يصلي خلفه وكان يصلي خلفه الوف مؤلفة من البشر يقول ابن الجوزي رحمة الله حضرنا بعض أغذية ارباب الاموال - 00:05:59

ارأيت العلماء اذل الناس عندهم العلماء يتواضعون لهم ويذلون لموضع طمعهم فيهم وهم لا يحفلون بما يعلمونه من احتياجاته اليه يعني العالم يتواضع قد يتواضع انه مطلوب انه يتواضع يبقى رفيق يبقى جيد للخلق عشان يدعو الناس ايه؟  
بأخلاقه الى الاسلام - 00:06:17

وفي نفس الوقت ارباب الاموال اذا ادى له قرشين ولا حاجة ولا الكلام ده يبقى عرف هذا صاحب المال ان العامل ده كل ما بيجي يصبح عليه ولا يكلمها ولا يسمع عليه يبقى عايز ايه - 00:06:44

عايز قرشين فده بيطبع ارباب الاموال في العلماء قال فرأيت هذا عيبا في الفريقين. في طائفة العلماء وفي ارباب الاموات اما في اهل الدنيا فوجه العيب انهم كانوا ينبغى لهم تعظيم العلم - 00:06:57

ولكن لجهلهم بقدره فاتهم واثروا عليه كسب الاموال. فلا ينبغي ان يطلب منهم تعظيم ما لا يعرفون ولا يعلمون قدره هو النهارة لما يكون اي رجل تاجر حقا يفهم معنى التجارة - 00:07:17

لما يعرض عليه ان يتاجر مع الله او ان يتاجر بالدينار والدرهم يا ايها الذين امنوا هل ادلكم على تجارة تنجدكم من عذاب اليم؟  
تؤمنون بالله ورسوله فدي تجارة فمعنى انه يعرض عن العلم ويرمييه ورا ضهره ويروح عشان يحصل الاموال يبقى هذا لا يعرف قدر العلم - 00:07:37

يبقى ما عدش ينفع ان انت تروح كعالم عشان تعرفه قدر العلم. اذ لو كان يعرف قدر العلم ما اهمله ليكتسب الاموال يبقى اذا هذا  
رجل اصلا غير معظم للعلم - 00:08:01

وانما اعوذ باللهم على العلماء واقول ينبغي لكم ان تصونوا انفسكم التي شرفت بالعلم عن الذل للانذال وانما كنتم في غنى عنهم. وان  
كنتم في غنى عنهم كان الذل لهم والطلب منهم حراما عليكم - 00:08:17

وان كنتم في كفاف فلما لم تؤسروا التنaze عن الذل بالعفة عن الحطام الفاني الحاصل بالذلة الا انه يتخيّل لي من الامر اني علمت قلة  
صبر النفس على الكفاف والعزوف عن الفضول - 00:08:40

فان وجد ذلك منها في وقت لم يوجد على الدوام الاولى للعالم ان يجتهد في طلب الغنى. ويبالغ في الكسب وان ضاع بذلك عليه  
كثير من زمان طلب العلم فانه يصون بعرضه - 00:09:01

يصون بعرضه عرضا العارض اللي هو اي اللي هو المال يصون بعرضه عرضا وقد كان سعيد بن المسيب يحتكر في الزيت وخلف مالا  
وكان سعيد بن سيد المسيب رحمه الله من يحتكر الزيت لانه روى عن عمر ابن عبد الله احد الصحابة ان - 00:09:20

ان رسول الله صلى الله عليه وسلم قال لا يحتكر الا خاطئ. في مسلم وكان عمر يحتكر الزيت وكان سعيد يحتكر الزيت فهذا يدل  
على ان الزيت لم يكن مما ينهى عن احتكاره - 00:09:46

اما ينهى عن احتكاره اما ينهى عن احتكار ما يمس قوت الناس الضروري فكان سعيد ابن سيد رحمه الله يحتكر الزيت ايضا. وقد  
حدثت حكاية يعني نذكرها على الهاشم ان سعيدا وانت تعلمون قدر سعيد وانه كان سيد التابعين - 00:10:05

او من اكبر سادة التابعين رحمة الله عليهم اجمعين يعني آآ قال وقد اصابته آآ مصيبة وهذه المصيبة تمثل في موت فأرة في برميل  
زيت كان عنده يزيد باربعين الفا - 00:10:28

وبعدين دخل في يوم من الايام المخزن فوجد ثأرة ميتة في الزيت. شال الفقرة ورماها ثم نسي اين البرميل انت عارفين

الفقر اذا ماتت كما سئل النبي صلي الله عليه وسلم - 00:10:54

وكلوا سمنكم من كان يائعا فايها فالقوله فده مانع ولا حامد؟ مانع اللي هو الزيت يعني - 00:11:13

فلمـا هـذا البرـمـيل عـن سـعـيد لـم يـرى آـمـن الـامـانـة أـن يـبـيع زـيـتا لـلـمـسـلـمـين وـقـع فـيـه فـأـر فـارـاق الـزـيـت كـلـه مـا اـبـقـى شـيـئـا مـن الـزـيـت لـا نـرـى  
قـزـيـتا بـارـعـين الفـا - 00:11:33

فوقه عليه دين كبير المصيبة التي وقعت على سعيد وكان مدینا به كان مدینا بمبلغ ثم عقب على هذا بقوله عيرت رجلا من اربعين سنة فقلت له يا فقر فهذه عقوبة الكلم - 00:11:59

هذه عقوبة من اربعين سنة ابن الجوزي بقى له تعليق جميل على على كلام سعيد قال قلت ذنوب القوم فعرفوا من اين اوتوا ما هو الله ، ذنبه متللة ما هوش ، عارف انهه ، ذنب الله ، اصاب - 00:12:24

يعني كما يقول المتنبي كفى المرء نبلا ان تعدد معاييه. ليه؟ لأن اي شيء يدخل تحت العبد فهو قليل حتى وان كان كثيرا. طالما له نهاية.  
واحد اتنين: ثلاثة اربعه الف - 00:12:44

ووقفت بيقى قليل انما الكثير الذى لا يعد عشان كده قال لك كفى المرأة نبلى ان تعذب عبيا. قلت ذنوب القوم يعرف من اين اوتى من  
اربع: سنة وهو متظر العقوبة دعاء - 00:13:04

ان هو زلف لسانه فقال يا فقير فافتقر. لكنه عن اي حال خلف مالا وفيرا. يقول ابن الجوزي وخلف سفيان الثوري مالا وقال لولاك لتمدلله ابا.. الكلام الله. انا كنت لسه بقهله - 00:13:20

وقد سبق في كتابي هذا في بعض الفصول شرف المال ومن كان من الصحابة والعلماء يقتنيه. اللي هي الخاطرة الایه اللي هتتكلّم فيها لان القاطرة دي متاخرة. يعني رقم مية وخمسين. الخطيرة دي رقم مية وخمسين. انما دي احنا لازم نشرحها دي - 00:13:38  
يوم الكتاب قال ومن كان يقتنيه من الصحابة والعلماء والسر في فعلهم ذلك وحث طالب بسبب ايه بسبب ان مسلا الاخت آامن وسط راقي وعايزه تبقى زي فاطمة رضي الله عنها - 00:13:56

عايزه مش عايزه اوضة نوم عايزه تجيب مرتبة القيها على الارض وآشماعة كده تعلق عليها هدومها. وبيدي هدومها في شنط ومصرة اصرارا على ذلك حدثة عهد الالتزام قرأت حبت انها ايه - 00:14:21

تقىد فحصل كده لم تتحمل طبعاً دي كانت الغنية الباردة بالنسبة لزوجها. مش خسران حاجة. ده هيجب اوضة نوم ولا هيجب مش عارف ايه ولا هيجب ايه هنمام على البرش ما احلاه. بيلاش - 00:14:41

هـ خلاص وافق على ذلك وهو برضو ما كانش القصة يعني عنده انه عايز يوفر فلوس لأنـ برضـه ايه لاقت عنده بـرضـو مـسـأـلة التـزـهدـ والـكلـامـ فـبـعـدـ ايـامـ كـانـتـ تـيـجيـ بـقـىـ رـفـيـقـاتـ الـاختـ الـلـىـ هـىـ بـقـىـ منـ الـاوـسـاطـ الـايـهـ؟ـ الرـاقـيـةـ - 00:14:57

عايزين يزوروها عشان ينقطوا ويتاع والكلام ده. فتقوم فرشة لهم حصيرة بلاستيك في الصالون اللي يقعدوا يجوا يقعدوا يهروا  
مش متوددين ان هم يقعدوا علي الارض والكلام انتم قاعددين علي كراسى، وبوتىهات ويتاع والكلام ده - 00:15:14

والاخت بقى تكلمهم عن الزهد والكلام ده. فالجماعة دول هجروها يعني ما عادوش بيجوا لها العدو بيودوها والكلام ده فوجدت ابنها معها، فحصا. عندها نوع من الانفلات نوع من الانفلات - 00:15:31

وبدأت تطالب زوجها بالعفش بقى المحترم خلاص قربنا الزهد وكرعنا منه. عايزين نجرب الترف بقى. ها؟ فقال لها انا ما عنديش. قال ازاء. ما عنديش. انا صحبات. سحوا ولما بنه اون. اه. بقت بتكتسف - 00:15:45

حتى لا ينفع عزمك ففي ناس ممكناً يتصدق بكل ما له ويعدين يلاقي نفسه مش قادر على الزهد. في عمل ايه يبقى؟ بيتدى بروح

عند ارباب الاموال ويطمع في اللي عندهم ويختلف لهم والكلام ده - 00:16:19

فده هذا من الخطأ ده ابن الجوزي اللي بيقول هذا الكلام وهذه تجربة عالم يقول فالاولى ادخار المال والاستغناء عن الناس وطبعا  
الادخار لا شيء فيه برضو عشان ما فيش حد يصلي الادخار - 00:16:32

ان ده يعني ضد التوكل وآلو توكلتم على الله حق توكله لرزقكم كما يرزق الطير ترزق الخمامس وتعدوا بطانا. لأ الرسول عليه الصلاة  
والسلام كما في صحيح البخاري كان يدخل نسائه قوت سنة - 00:16:51

اما حديث لو توكلتم على الله حق توكل. لو توكلتم احنا بنخاطب ناس لن يتمرنوا على التوكل. الحديث حديث النبي صلى الله عليه  
 وسلم صحيح. وصدق رسول الله صلى الله عليه واله وسلم. فمن - 00:17:07

توكل على الله حق التوكل يعلم ان رزقه مضمون لكن يعني الذي لم يتدرّب من امثالنا والكلام دهوت قل ما يصبر على مثل هذا فيقول  
فالاولى ادخار المال والاستغناء عن الناس. وقد رأوا بعض العلماء الكبار - 00:17:21

ممن ذهب عنى اسمه الان يجمع من السوق قوتا كثيرا نعمل خزين بقى فعادوا عليه ذلك فقال لهم ان النفس اذا اوتيت رزقها اطمأنت  
يقوم يتفرغ بقى عنده بقى القوت الضروري بحسب لو انه لم يجد - 00:17:41

اه ايداما ممكن يأكل رز حافي بس انا اخزن الرز اخزن السكر اخزن الحاجات اللي هي ايه؟ اللي هي لا استغني عنها. بحسب ان المرأة  
لا تطاردني والاولاد لا يطاردوني - 00:18:04

لان اذا عزت السلعة وفضلت تمشي وتلف على البقالين والشوارع وال محلات وما انتش لافي ترجع ببقى هم وهو  
يقول انا اريد ان افرغ قلبي فلا بأس مسألة ادخار دي يعني هذا لا شيء فيها وهي لا تنافي التوكل. يقول فالاولى - 00:18:19

ادخار المال والاستغناء عن الناس فيخرج الطمع من القلب ويصفو نشر العلم من شائبة ميل ومن تأمل اخبار الاخيار من الاخبار  
وتجدهم على هذه الطريقة وانما سلك طريق الترفة عن الكسب من لم من لم يؤثر عنده بذل الدين والوجه - 00:18:39

وطلب الراحة ونسى انها في المعنى عناء كما فعل جماعة من جهال المتصوفة في اخراج ما في ايديهم وادعاء التوكل وما علموا ان  
الكسب لا ينافي التوكل وانما طلبو طريق الراحة وجعلوا التعرض للناس كسبا - 00:19:06

وهذه طريقة مركبة من شيئين. احدهما قلة الانفة على العرض والثاني قلة العلم ده اللي انا كنت عايز ايه يعني اذكره لكم في المرة  
الماضية من كلام ابن الجوزي رحمة الله تعالى - 00:19:28

ابن الجوزي بقى بيأخذ ايه؟ آ شرائح من المعاني. الاول خد المال ثانيا اخذ التزوج نكاح ثالثا هأخذ المطعم. يعني كل واحدة من دول  
يبحاول ان هو الايام دي كلها من الدنيا - 00:19:50

فيبيحاول ان هو يبين لك الطريق الامثل وانك لو طلبت هذا من وجهه فهذا لا يعيشك ولا يشيب. يقول ابن الجوزي رحمة الله. وان اكثر  
من النكاح والسراري كان ممدوحا لا مذموما - 00:20:05

وقد كان للنبي صلى الله عليه وسلم زوجات وسراري وجمهور الصحابة كانوا على الاكثر في ذلك وكان علي ابن ابي طالب رضي  
الله عنه اربع حرائر وسبعين عشرة امة اللي هي السرية اللي هي الامل اللي هي السرية التي يتسرع بها - 00:20:27

والاناء لا يأتيانا الا عن طريق الحرب عشان في بعض الناس في بعض البلاد العربية تورط مع خدامة سيريلانكية ولا فلبينية وزعم انها  
امة لا الاماء اللي هو ملك اليدين يعني لا يأتي الا عن طريق الجهاد - 00:20:55

بين المسلمين وبين كافر. شرط وبين كافر لكن لو وقع قتال بين دولتين مسلمتين فلا يحل ل احد احدهما ان تسdi نساء الدولة الاخرى  
ليه؟ لأنهن مسلمات لأنهن مسلمات. يعني زي ما حصل مسلا ما بين العراق وايران زمان - 00:21:22

لا يجوز ان حد يسدي نساء من الدولة الاخرى انما يكون مسلم وفي مقابلة كافر حينئذ يفتح ايه؟ سوق النخاسة اللي هو بيع الایه؟  
بيع الاماء وبيع العبيد وطبعا يعني آيايزين نقول ان المسلمين خسروا كثيرا. دعك مما يقوله اعدائنا ان ده رق واسترقاق ومش

عارف ايه. طب ما هم ايه اللي بيعملوا - 00:21:49

سعداؤنا اليوم لما بيدخلوا على الدول المسلمة النهاردة ويغزووها. ده استرقاق دول مش يصدقاك افراد يعني يعيش علينا ان احنا

بنسترق افرادا في الوقت الذي يسترقون فيه الدول ما عندهمش اي دم - [00:22:17](#)  
وعندهم صفاقة متناهية. وطبعا انما غرهم في ذلك انهم يخاطبون موتي فما عدش يتجمل لمين لأنما يتجملش لحد واحد ميت ما يقدرش يعمل حاجة ولا مريض ولا عشنان كده مسألة الرق تحتاج الى نظرة من المسلمين - [00:22:34](#)

الرق الرق الاسلام شرف له قال صلي الله عليه وسلم عجب ربكم من قوم يدخلون الجنة في السلاسل يدخل الجنة اما رابطه بسلسلة وبتججرجه. طب ده الجنة دي كل البطالين يزعمون انهم سيسبقون المؤمنين اليه - [00:22:52](#)  
تعال صلي يقول لك خدني على جناحك. هو انت فاكر لما تدخل الجنة! ده انا هاسبقك ده انا قلبي ابيض زي اللبن الحليب انت قلبك اسود بتصلني اه بس حقود - [00:23:21](#)

انما انا قلبي ابيض ولذلك حفت الجنة بالمكاره ليه ؟ يقول ابن القيم لانها لو حفت بالشهوات لسبقنا او لسبق البطالون المؤمنين اليها فحف الذهب المكاره عشان ما يروحش للجنة الا واحد عايز الجنة فعلا - [00:23:35](#)

انما البطال اول ما يلاقي اول عقبة يقول له ياه السكة مسدودة لسه افتح الباب ده انا فاكره سابت. يقوم راجع تاني انما اهل الایمان يفضل يخبطها من ادمي طرق الباب ولد. طول ما بتخبط هيتفتح لك. اهل الایمان كده يعني - [00:23:52](#)  
فالذين يدخلون الجنة السلاسل دول الذين اسلموا من الكافرين بسلام الحرب جم ديار المسلمين ورأوا اخلاق المسلمين و فعل المسلمين اغراهم ذلك ان يدخلوا في الاسلام زي جارية الحسن بن صالح بن حي - [00:24:09](#)

التي ذكرها خبرها الامام العجلي في كتاب الثقات له في ترجمة الحسن ابن صالح حزب بن صالح ده من طبقة الثوري واخوه علي بن صالح بن حي برضو من نفس الطبقة. وعلى كان اوثق الرجلين - [00:24:27](#)  
كان الحسن وكان علي وامهم وكانت جارية الاربعة دول الحسن باع الجارية والحسن ده احد العباد هو وعليه وامه كانوا يقسمون الليل ثلاثة اسلاف علي يقوم فيلته الحسن يقوم ثلاثة امهما تقوم ثلاثة - [00:24:44](#)

فلما ماتت الام قام الحسن بنصف الليل وعلي بالنصف الآخر فلما مات الحسن او مات علي واحد مات قبل الثاني قام الذي بقي بالليل كله الجارية طبعا في بيت ملتزم وبتاع فبرضو ايه بتقوم تصلي معها - [00:25:13](#)  
المهم ان الحسن باع اظن عليه هو الذي مات قبل الحسن آآ الحسن ده باع هذه الجارية نص الليل كانت الجريمة للنوم وعمال تخبط على البيبان بقى يا جماعة الصلاة الصلاة - [00:25:33](#)  
قالوها ايه اذن الفجر قالت اولا تصلون الا الفجر قالوا نعم فلما اصبح الصباح رجعت للحسد قالت ردني فانك بعنتي الى قوم سوء لا يقومون الليل اهي دي امة انا ليه برضو جاي عن طريق الجهاد كن كافرا اسلمت دخلت في بيت زي بيت الحسن ابن صالح ابن حي شف اخلاقها وشف عبادتها - [00:25:50](#)

فاسترقاق المسلمين للكافرين خير للكافرين لأنهم سيسلموا ومع ذلك الاسلام ما حض على ان يبقى مسترقا. هناك آآ يعني كفارات لعتقد رقاب وحتى بدون ما يكون هناك كفارات لعتقد الرقاب هناك حظ من النبي صلي الله عليه وسلم وهو ثواب عظيم اذا اعتقت انسانا - [00:26:21](#)

يبقى الاسلام برضه ما جاش قال يفضل عبد طول عمره لا انما حض على ان يكون حرا لكن استبقاء المسلمين كما قلت نعمة. ليه ؟ لأن في الجنة في الآخر لما يكون مسلم هو ده يدخل الجنة باذن الله تعالى. انما يموت على الكفر جهنم - [00:26:48](#)  
طويلة المصير فالاماء لا يأتيها الا عن طريق الایه ؟ عن طريق الحرب. مش واحدة خدامة حتى لو كانت اجنبية. حتى لو كانت كافرة وتاخدها تشغله في البيت تقوم تعاملها معاملة الاناء - [00:27:09](#)

اما اذا كانت كافرة فلا يحل لك ذلك. واما اذا كانت مسلمة فعدم الایه ؟ عدم الجواز اوضح. ليه ؟ لأنها مسلمة مسلمة يعني ما جاءت الا عاملة مش انا علي ابني طالب مع زهد وورعه وتجافيه عن الدنيا - [00:27:26](#)  
كان عنده اربع حرائر اذا لا يجوز للرجل ان يتزوج فوق الایه فوق الاربع وكان عنده سبع عشرة وتزوج ولده الحسن نحو من اربعمائه حسن ابن علي الذي وصفه النبي صلي الله عليه وسلم كما في حديث ابي بكرة في صحيح البخاري - [00:27:44](#)

قال ان ابني هذا سيد ولعل الله ان يصلح به بين عظيمتين من المسلمين. وقد حدث ان الحسن ابن علي رضي الله عنهم تنازل لمعاوية. ابن ابي سفيان عن الحكم - [00:28:08](#)

وسمى واصلح اهل العراق واهل الشام وسمى هذا العام عام الجماعة زي ما النبي قال بالزبط قال ولعل الله ان يصلح به بين فتنتين عظيمتين من المسلمين وكان الحسن شجاعا جوادا عابدا ممدحا منكحا مطلقا - [00:28:27](#)

كان اتجوز اربعة وطلق اربعة وجيب غيرهم يعني طلق بالاربعة بس يعني كما ذكروا في في سيرته رضي الله عنه انه ما كان يعني آآ يعني ينفرد بأمرأة اقل حاجة عنده - [00:28:55](#)

اربعة كان ممكن يطلق اتنين ويغير يجيب اتنين غيرهم. وطلق اتنين وجب اتنين غيرهم. وطلقهم الاربعة وجيب اربعة غيرهم حتى ان جعفر الصادق روى عن علي ابن ابي طالب رضي الله عنه انه قال لا تزوجوا ابني - [00:29:09](#)

الحسن فانه مطلق بعض الناس اللي هم يطمعون في نسب في النسب الحسن وكده قال قال العلي وان كان مطلقا يعني حتى لو هو طلقها باسماء طليقة الحسن شرف له - [00:29:27](#)

حتى لو كانت مطلقة. المهم تشيل اسم الايه اسم الحسن ابن علي سواء كانت زوجة الحسن او كانت طليقة الحسن رضي الله عن السيد قال فان طلب التزوج للأولاد فهو الغاية في التعبد - [00:29:48](#)  
وان اراد التلذذ فمباح يندرج فيه من التعبد ما لا يحصل من اعفاف نفسه والمرأة الى غير ذلك وده طبعا يعني المسألة دي ربما ظهرت اكثر لمن آآ عنده اكثر من امرأة - [00:30:08](#)

يعني مسلا لما بيجي يتزوج على المرأة الاولى بيقول لها انا صابر عايزة اقوم سنة ما هو لو ما قالش كده سادته سودا. الله! ليه مش عايزة تكون سنة؟ اه اذا انت عايزة بقى تتمتع - [00:30:33](#)

طب وهو عايزة يتمتع ايه المشكلة هو ده كلام ابن الجوزي اهو بيقول وان اراد التلذذ فمباح لان الله عز وجل اباح الامر للرجال قال فانكحوا ما طاب لكم من النساء مثنى وثلاث ورباع - [00:30:48](#)

وكلمة طاب لكم فيها معنى التلذذ الذي ذكره ابن الجوزي لغريبة المسألة ديت لا يستطيع حق الرجل ان يتكلم. لو لو تكلم زي ما قلنا يعني ايه هيأخذ البلانص المحترم - [00:31:04](#)

الكارت الاحمر وهيطلع برة خالص هو النهاردة التزوج اللي هو له اكثر من امرأة لان ابن الجوزي النهاردة بيtalk عن ايه؟ مش ان الرجل يتزوج امرأة واحدة. ما هو ده الطبيعي - [00:31:21](#)

لا هو عايزة يقول بيtalk النهاردة انا لو طلبت اكثر من امرأة واحدة. ما هو ده من متاع الدنيا. عايزة يقول ان ده مش عيب يعني. مش عيب. في مجتمعنا داعية - [00:31:33](#)

ويبقى الرجل آآ راجل بيلعب بدileه وراجل مش مزبوط. وتبقي السست الثانية جت خطفت عرق السست الاولى. وجت بقى مش عارف ايه وشبيهوها رقاصة وانها بتاعة خطفت الرجاله والكلام ده - [00:31:46](#)

ده الكلام اللي في السائر الان حتى ان الرجل قد يترك الصلاة لا يصلح ولا يصوم ولا يذكر ولا ويسب الدين والكلام ده بيعرض علي كل يوم اول ما تروح لاهلها ما بيصليش بيسيد الدين يقول لي يا بنتي ربنا هيهديك - [00:32:01](#)

انت تستعجل على خراب البيت ليه عندك اربع خمس ولاد. وياما ناس كانوا بيلعبوا بديلهem وربنا قطعه. ها اصبرى. وياما ناس ما كانواش بيصلوا وربنا سبحانه وتعالى هداتهم. وصلى والكلام - [00:32:21](#)

ويجرونها على ان تعيش مع هذا الرجل الذي يسب دين الله او يسب الرسول او الكلام ده فان تزوج امرأة اخرى على امرأته ليه؟ هو انت هفية - [00:32:33](#)

هو ما فيش رجالة وراك ولا ايه! تعال احنا هنريبيه ونعرفه ان الله حق. ويأخذ المرأة ويختبئها على الرجل وتروح المرأة تغضب عند اهلها لحد ما الرجل يتوب ويطلق المرأة الثانية - [00:32:48](#)

طب ازاي الناس صدرت او ان اجبرت المرأة على ان تعاشر رجلا يفعل كل هذه الكبائر ويصبروها على الكبائر دي واول ما فعل شيئا

مباحا له عملوا فيها عملوا في في المرأة كده وخيروها على زوجها - 00:33:02

ما دا انقلاب الموازين زي برضو بعض المشايخ يعني حكى لي ان في واحدة وواحد مختصين في طلاقه وبتاع والكلام ده عفوا مش في طلاق الرجل تزوج عليها فاللهم جاي يا فضيلة الشيخ وكذا وكذا انا صبرت معه وعملت وكذا وكذا. ده حتى زنا وسامحته -

00:33:21

انا وسامحته ولما اتجوز مش عايزه تسامحيه. بيقول قعدت ادور على البلغ. فين البلغة؟ فين البلغة؟ مش لاقى البلغ. ها! الله! ازاي جايز انا وسمحت هو ده من حقك اصلا تسامحيه! وبعدين الرجال زنا وحاجة كبيرة زنا كبير - 00:33:42

ما عملنيش حاجة واكفيت على الخبر مهجور وعشان ما نفضحش الدنيا والكلام ده. اول ما يتجوز خلاص عمل الطامة الكبرى. لأن الرجل له ان يتزوج بأمرأة وامرأتين وتلثة وله ان يتزوج باربعة - 00:34:01

وده طبعا هيحل لنا مشاكل كثيرة ولعلي قلت يعني وسمعتم الاحصائية التي ذكرتها مرة انا اتكلم عن تعدد في بعض القنوات الفضائية ان نسبة العنوسة عندنا فيما يتعلق العوانس والمطلقات والارامل - 00:34:15

يشكل قرابة ثلاثة بالمائة والكلام ده مش كلام الكلام ده من احصائيات رسمية لأن احنا عندنا لو افترضنا مسلا ان في بلدنا مسلا في مصر آآ تعداد السكان تسعين مليون - 00:34:36

احنا يمكن ستة وسبعين سبعة وسبعين في الحدود دي. لكن هافتفرض ان احنا تسعيون مليونا طبعا مش تسعين مليون امرأة هنقول تلاتين مليون رجال تلاتين مليون عيل وعینوا طفل وطفلة تلاتين مليون امرأة - 00:34:54

خلاص طبعا الاحصائيات الرسمية بتقول ان عادل بنساء اكتر من عدد الرجال بسبب انت عارف الفتنه والحروب والميكروبات ها ميكروبات برضو يعني اللي بيموتوا كل سنة على الاسفلت اكتر من ضحايا حرب رمضان - 00:35:11

اكثر من ضحايا حرب رمضان. يعني اليدين يموتون على الطرقات. كل سنة تجاوزوا الخمسة الاف كل سنة فعدد النساء اكتر من عدد الرجال فالنهارده لما المرأة تكون مطلقة او ارمل او عانس. وطبعا عندهم العانس اللي تجاوزت تلاتين سنة - 00:35:27

وطبعا تلاتين سنة ده عدد كبير جدا وخمسة وتلاتين واربعين برضه. فيه الكلام ده. اول ما توصل لستة وعشرين سبعة وعشرين يعتبر دخل على طريق الايه؟ طريق العنوس طيب مين يحل المشكلة دي ؟ ادي قبلة موقوتة ممكن تنفجر في اي وقت - 00:35:49

الفجر في اي وقت وتضيع المجتمع بالكامل ويمكن ده احد اسباب وجود ما يسمى بالزواج العرفي في الجامعات وهو زنا صريح لا اشكال فيه الولد يروح يجيب اتنين آآ زيه ساقطي العدالة ويعملهم شهد. ايه هم الاثنين يشهدوا لبعض؟ كلها ساقط العدالة -

00:36:06

لا تجوز شهادته وفي في بعض الجرائد الرسمية من حوالي عشر سنين اتناشر الف طفل لا يعرفون لهم اباء اتناشر الف طفل طالع صايع في المجتمع. ده ممكن يعمل ايه - 00:36:28

فلابد من حل حل شرعى احياء الاتباع الشرع نعمة ولا يوجد فيما فرض الله عز وجل علينا فيما اباحه لنا الا الخبر كله فمسئلة ان الانسان يعدد اه هذه مسألة مباحة وقد تكون مستحبة وقد تكون واجبة. وبرضو قد تكون حراما وقد تكون مكروها. يعني الاحكام الخمسة - 00:36:46

ممكن تدخل على هذه المسألة. ودي مسألة لها ضوابط عشان القصة مش سبهلة كده. ها وراح شايل بالغمري وبعدين تاني يوم تطلق السنت زى ما زى ما المشاكل اللي بنعرض برضو علينا - 00:37:10

يروح يتجوزها شهرين ثلاثة ويقول لها مع السلامة. ليه ؟ قال لها اصل حصل مشاكل ما كنتش متوقع ان يحصل مشاكل يروح في البيت دهوت يفضل للصبح سهران عمال اقعدها على كرسى الاعتراف ورحت وجيت وعملت وخليت وعملت انا فيك ايه عشان تعمل في كده ومتش عارف ايه. ولما يكون رايج - 00:37:23

الست الثانية سنته سودا برضه. تقدر تقول له اه انت هتسبني وهتروح يروح للثانية تعيط برضو انت جاي لي متاخر ساعة انت مش عارف ايه كده بالنظام ده فيروح هنا سهران وهنا سهران يا ولدان - 00:37:44

زي ما انا باقول كده. فعلًا انا كنت هاعمل محاضرة في اه من سنتين كده في عيد الاضحى بعنوان الضحية وانا كنت اقصد الضحية  
الرحًا .. لان فعلًا الضحية الحقيقة في التعدد هو الرحًا، مش، السست - 00:37:58

الست اه عليها مشاكل صحيح وبرضو بيبقى عليها الام وعندها احباط وحزينة والكلام ده. اه لاؤ ما انكرش لكن الذي يحاكم هنا ويحاكم هنا ولا ينام لا هنا ولا هنا - 00:38:18

هو ده الضحية الحقيقة. كما قال الاعرابي تزوجت اثنين لفرض جهلي بما يشقي به زوج اثنين فقلت اعيش بينهما خروفا انعم بين اكرم نعجتين. رضا هادي يهيج سخط هادي. فلا فلا - 00:38:34

اخلو من احدى السقطتين لهذه ليلة ولتلك اخرى عتاب دائم في الليلتين. ها؟ ده لا زعلانين وعايزين واحد الرجال يشوف مصالحة  
وامتنى يعني متى يدري الرجل مصالحة؟ فالمسألة فيها اشكال فيه خطأ. وانا برضو باعترف ان اى عمل مبتدأ - 00:38:53

عومما بيبقى فيه اخطاء لحد ما الدنيا تستقر لأن المجتمع حتى الان راى قصه التعدد خلاص القصة عدل. يعني المرأة التي طلقت مسلا او ترمل لما يبروح الرجل يتتجوزها. بيجوزها ازاي - 00:39:15

لطفاً تأكد من إدخال جميع المعلومات المطلوبة في كل سطح المكتب.

يعلم خدمة اسرية ومسنة حمساشر عسرين واحد فاعدين في البيت. وأهارون ييجي يكتب مس عارف ايه ويعدين ياخدها ويرجع  
طب المطلقة دي لما تزوجت اول مرة مش عملوا لها كده زبطة وزمبليطة ومش عارف ايه وانوار وبتاع ودعوا المعازيم والحدوتة  
ديت والكلام ده - 00:39:31

وستان الفرح والكوشة والمنكوشة والكلام ده كله. مش حصل الكلام ده. طيب هي المسكينة دي لما تقارن بين يوم زفافها الاول وكيف ان المجتمع رحب بهذه الصورة وكله كان فرحان وكله كان مبسوط وكله عمال يهني والكلام ده - 00:39:52

<sup>1</sup> See also the discussion in the Introduction to this volume.

الصورتين مش نفسها تتكسر طب ليه القصة حصل زي كده؟ المجتمع مش مرحباً بالعملية - 11:40:00

الزهاج التان يعتد عار وتعدي والخ لك والكم الاعتداء على حقيقة المرأة العناوين: الضخمة الكبيرة

00:40:28 - الكلام ده ومش من حقها الكلام ده هي كمان وبرضو تلبس فستان فرح والكلام ده

هي مش انسانة برضو لها مشاعر ايه يعني طلقت مش هي اخر اخر واحدة طلقت في الدنيا وما يعرفش

لكن اهي طلقت والسلام حته كوتيني دي بيقى الرجال لما بيتزوج للمرة الثانية او الثالثة او الرابعة ما بيهنئش - 00:40:44  
وكتير قوي يعملها في السر ويجي بقى ايه يعني وانت عارف المرأة عندها قرون استشعارها كلوا استشعار اول ما

تشتغل کروز استشعار تعرف انه متجوز ولا سیما اذا لم يكن حويطا. كان مدب كده بيقع مش عارف ايه والكلام ده او الثانية تبعت

رسالة ينسى يمسحها - 00:41:06

ها ما بنقول لكم برضه حاجات || يعني بتتساوي فلوس. تمنها غالى يعني. ها! فعلى طول تسيب الثانية تقدر تفتش المحمول وتدور على.. مش عارف ايه الوجهة خدلهلة بق. الثانية باعطة له مسلا حواب غرام. ماتذهب اه انت كده حت.. له هه.. عارفة انه متجمزو -

00:41:26

اه بتحبوا بعض بقى وعايشين بقى الدور ومش عارف ايه والحكاية والرواية وندخل في فيلم ما لوش اهل واحد بالك؟ فانا عايز  
لاتلاق تقاليل على اه نزانت بالله

اقول قصة التعدد انا ارجو ان ينظر فيها المجتمع كله نظرة اعتبار - 46:41:00

ويحل لنا مشاكل لا اخر لها وان كان فيه الم فعلا ويبقى فيه برضو كسر نفس المرأة لكن اين البيت الذي يخلو من المشاكل ؟ ما هو  
ببقو اللاتينين فرضاني ومجنinin بعض - 00:42:02

بيبقوا الاثنين فرضاني ومجنبين بعض - 00:42:02

انا عايزك تروح المحاكم في قسم الاحوال الشخصية تشواف آآ الخلع والطلاق الموجود في المحاكم مش هتلباقي نسبة عش في الالف  
ان ف ناس معددين عاملين كده عيش في اتفاقيات تحد 18:42:00

ان في ناس معددين عاملين دده عشر في الالف لن بجد - 18:47:00

انت خالى من المشاكل ما انت بتقضى يومك على القهوة علشان خايف تروح تفتح فصل التک للصیح - 00:42:39

فبدل ما نروح ونستعجل النكـد هـا يبقى نـقـد عـلـى الـقـهـوة وـخـالـص وـارـوح اـيـه بـالـلـيل الـاـقـيـهـا نـايـمـةـ. بعض النـسـاء بـقـى الـلـي خـدـوـا بـالـهـم مـنـ حـرـكـاتـ الزـوـجـ عـارـفـةـ اـنـهـ ماـ بـيـجيـشـ الاـ ايـهـ الـاـسـاعـةـ اـتـيـنـ بـالـلـيلـ. فـكـانـتـ تـنـامـ لـهـ مـنـ بـعـدـ العـشـاءـ هـا عـلـشـانـ اوـلـ ماـ بـيـجيـ تـهـجـدـ. تـقـومـ الـلـيلـ - 00:42:55

هـاـ دـوـلـ خـالـيـبـينـ مـنـ مشـخـالـبـينـ مـنـ مشـخـالـبـينـ طـبـعـاـ. فـمـاـ تـقـولـيـشـ بـقـىـ انـ التـعـدـ هـيـبـقـىـ فـيـهـ مشـخـالـبـينـ وـمـشـ عـارـفـ مـرـةـ تـبـصـ للـدـرـةـ وـمـشـ عـارـفـ اـيـهـ الـكـلـامـ مـاـ هـوـ دـهـ مـوـجـودـ - 00:43:17

بـتـبـقـىـ الـمـرـأـةـ لـوـحـدـهـاـ ماـ فـيـشـ حـدـ مـعـهـاـ وـغـيـرـانـةـ مـنـ اـختـ الـزـوـجـ. وـغـيـرـانـةـ مـنـ وـغـارـ مـنـ سـلـفـتـهـ كـمـانـ يـعـنـيـ المـسـلـ بـيـقـولـ مـرـكـبـ الـضـرـائـبـ سـارـتـ وـمـرـكـبـ السـلـاـيـبـ غـارتـ - 00:43:31

يـعـنـيـ الـضـرـائـبـ مـمـكـنـ يـجـتمـعـوـاـ عـلـىـ الـخـيـرـ وـيـمـشـوـاـ الـمـسـأـلـةـ غـيرـ السـلـاـيـفـ السـبـبـ فـيـ كـدـهـ اـنـ الـضـرـائـبـ لـهـمـ رـجـلـ وـاحـدـ فـعـاـيـزـينـ يـمـشـوـاـ الدـنـيـاـ عـشـانـ الـبـيـتـ ماـ يـتـخـرـبـشـ وـيـتـهـدـ عـلـىـ دـمـاغـهـمـ كـلـهـمـ. اـنـماـ السـلـاـيـسـ - 00:43:46

هـيـلـمـوـهـاـ لـهـ ماـ يـلـمـوـهـاـشـ. فـيـاـ اـخـوـاـنـاـ الـمـسـأـلـةـ فـيـهـاـ كـلـامـ كـثـيرـ. وـزـيـ ماـ بـنـتـجـوزـ لـهـ تـجـارـبـ فـيـ الـمـسـأـلـةـ دـيـ اـنـاـ لـيـ تـجـارـبـ عـلـىـ الـمـجـتـمـعـ وـمـعـ النـاسـ الـلـيـ الـمـعـدـدـيـنـ وـالـلـيـ عـاـيـزـيـنـ يـعـدـوـاـ وـالـكـلـامـ دـهـ وـالـحـقـيـقـةـ بـاـنـصـحـ عـلـىـ خـلـافـ ماـ بـعـضـ النـسـاءـ بـيـتـصـورـ اـنـاـ جـايـ عـلـىـ النـسـاءـ فـيـ الـمـسـأـلـةـ - 00:44:03

لـاـ مـشـ جـايـ عـلـىـ النـسـاءـ فـيـ الـمـسـأـلـةـ دـيـ بـسـ اـنـاـ عـنـدـيـ الدـوـافـعـ وـعـنـدـيـ النـظـرـةـ وـعـنـدـيـ الـخـبـرـةـ وـعـنـدـيـ الـمـعـطـيـاتـ الـلـيـ بـتـخـلـيـنـيـ اـقـولـ هـذـاـ الـكـلـامـ. فـالـقـدـ يـعـنـيـ اـنـ الرـجـلـ اـذـاـ تـزـوـجـ اـكـثـرـ مـنـ اـمـرـأـ وـلـوـ مـفـتوـحـ بـاـبـ الـجـهـادـ وـعـنـدـنـاـ الـانـاءـ وـالـسـرـارـيـ وـالـكـلـامـ دـهـ. فـاـكـثـرـ الرـجـلـ مـنـ ذـلـكـ فـهـذـاـ لـاـ يـدـلـ عـلـىـ اـنـهـ مـنـكـبـ عـلـىـ الـاـيـهـ - 00:44:23

مـنـكـبـ عـلـىـ الـدـنـيـاـ. لـاـ لـيـهـ؟ لـاـنـ التـزـوـجـ اـبـنـ الـجـوـزـيـ بـيـقـولـ اـنـ كـانـ لـلـاـوـلـادـ فـهـوـ الغـاـيـةـ فـيـ التـعـبـ وـانـ كـانـ لـلـتـلـذـذـ فـمـبـاحـ وـحـسـبـ الـحـدـيـثـ حـدـيـثـ اـبـيـ هـرـيـرـةـ الـذـيـ روـاهـ اـبـنـ مـاجـةـ وـاحـمـدـ وـابـنـ اـبـيـ شـيـبـةـ وـغـيـرـهـمـ. مـنـ حـدـيـثـ حـمـادـ بـنـ سـلـمـةـ عـنـ اـبـيـ عـنـ آـعـاصـمـ - 00:44:45 اـبـنـ اـبـيـ النـجـودـ عـاصـمـ دـهـ الـلـيـ هـوـ اـيـهـ؟ صـاحـبـ الـقـرـاءـةـ الـمـشـهـورـةـ. حـافـصـ عـنـ عـاصـيـ عـاصـمـ اـبـنـ اـبـيـ النـجـودـ عـنـ اـبـيـ صـالـحـ عـنـ اـبـيـ هـرـيـرـةـ وـهـذـاـ سـنـدـ جـيـدـ اـنـ النـبـيـ صـلـىـ اللـهـ عـلـيـهـ وـالـهـ وـسـلـمـ قـالـ - 00:45:08

اـنـ اللـهـ لـيـرـفـعـ الرـجـلـ الـدـرـجـةـ فـيـ الـجـنـةـ فـيـقـولـ يـاـ رـبـيـ اـنـيـ لـيـ هـذـهـ مـنـيـنـ دـيـتـ فـيـقـولـ باـسـتـغـفـارـ وـلـدـكـ لـكـ فـكـثـرـةـ النـسـاءـ مـظـنـنـةـ كـثـرـةـ الـاـيـهـ؟ كـثـرـةـ الـاـوـلـادـ. وـاـنـتـ لـاـ تـدـرـيـ مـنـ الـوـلـدـ الـبـارـ الـلـيـ اـنـتـ حـتـنـتـفـعـ بـهـ - 00:45:22

فـيـ وـاحـدـ كـلـمـيـ آـقـابـلـيـ مـرـةـ قـالـ لـيـ اـنـاـ عـاـيـزـكـ تـضـرـبـنـيـ بـالـجـزـمـةـ قـلـتـ لـهـ لـيـ غـلـطـتـ غـلـطـةـ عـمـرـيـ قـلـتـ لـهـ اـيـهـ غـلـطـتـكـ؟ قـالـ لـيـ سـمـعـتـ كـلـامـهـمـ فـيـ تـنـزـيمـ الـاـسـرـةـ - 00:45:50

وـخـلـفـتـ كـمـ بـنـتـ وـوـلـدـ وـمـرـاتـيـ كـانـتـ حـاـمـلـ وـقـلـتـ لـهـاـ يـاـ يـنـزـلـ يـاـ اـنـتـ طـالـقـ لـهـ اـسـرـةـ صـفـيـرـةـ حـيـاةـ اـفـضـلـ هـاـ مـاـ يـجـبـ لـكـ بـقـىـ وـلـدـ رـاجـلـ كـدـهـ وـسـتـ عـيـالـ مـقـطـقـطـيـنـ وـالـكـلـامـ دـهـ وـيـجـبـ يـقـولـ لـكـ اـيـهـ رـأـيـكـ فـيـ دـيـ وـنـحـطـمـ عـلـىـ الصـورـةـ الـتـانـيـةـ عـيـالـ مـبـرـيـنـ وـعـيـالـ - 00:46:08

المـقـطـعـيـنـ وـشـكـلـهـمـ يـفـمـ وـالـدـبـانـ عـلـىـ وـشـهـمـ عـشـرـيـنـ عـيـلـ كـدـهـ وـاـبـ وـاـمـ. يـقـولـ لـهـ بـقـىـ عـقـلـكـ فـيـ رـاـسـكـ اـعـرـبـ خـلـاـصـ هـتـاـخـدـ دـيـ وـلـاـ تـاـخـدـ دـيـ. هـوـ دـهـ الشـفـلـ الـلـيـ كـانـ قـامـ - 00:46:35

فـالـبـنـاتـ اـتـجـوزـوـ بـقـىـ الـوـلـدـ الـوـلـدـ عـاـقـ مـاـ بـيـسـمـعـشـ كـلـامـ اـبـوـهـ الـاـبـ لـحـدـ النـهـارـدـ بـرـغـمـ اـنـهـ يـعـنـيـ وـيـزـيدـ هوـ الـلـيـ بـيـنـزـلـ السـوقـ يـجـبـ

الـخـضـارـ وـيـجـبـ الـكـلـامـ. لـيـهـ؟ الـوـلـدـ مـشـ عـاـجـبـهـ عـجـلـ الـرـوـشـنـةـ بـقـىـ وـالـمـحـمـولـةـ بـارـبعـ تـلـافـ وـسـتـ الـاـفـ وـالـحـدـوـتـهـ دـيـ - 00:46:47

يـقـولـ لـدـرـجـةـ الـوـلـدـ كـنـتـ بـكـلـمـهـ مـرـةـ فـزـعـلـ مـنـيـ وـاـنـاـ خـارـجـ قـفـلـ الـبـابـ وـرـاـيـاـ قـفـلـ عـلـىـ رـجـلـيـ فـيـقـولـ اـنـاـ غـلـطـانـ غـلـطـةـ عـمـرـيـ. لـوـ كـانـ عـنـدـيـ وـلـدـيـنـ تـلـاثـةـ وـلـاـ حـاجـةـ كـانـ اـذـاـ عـقـنـيـ هـذـاـ بـرـنـيـ ذـاكـ. لـكـ اـنـاـ لـاـ اـرـىـ اـلـاـ عـقـوـقـ - 00:47:14

كـثـرـةـ الـاـوـلـادـ مـاـ هـيـ مـزـلـةـ الـبـرـ اـهـوـ هـاـ فـعـشـانـ كـدـهـ دـهـ دـاـخـلـ فـيـ التـعـبـ. كـمـ قـالـ عـمـرـ بـنـ الـخـطـابـ رـضـيـ اللـهـ عـنـهـ كـمـ رـوـاهـ اـبـيـ الـدـنـيـاـ فيـ كـتـابـ الـعـيـالـ اـنـيـ لـاـكـرـهـ نـفـسـيـ عـلـىـ الـجـمـاعـ رـجـاءـ يـخـرـجـ اللـهـ مـنـ صـلـبـ نـسـمـاتـ تـوـحـدـهـ - 00:47:35

يـبـقـىـ اـنـاـ عـنـدـيـ اـوـلـادـ بـرـرـةـ وـعـنـدـيـ اـوـلـادـ مـتـبـعـدـونـ. وـالـوـلـدـ مـنـ كـسـبـ اـبـيـهـ. اـمـتـادـ لـاـبـيـهـ. الـذـيـنـ اـمـنـواـ وـاتـبـعـتـهـمـ ذـرـيـتـهـمـ بـاـيـمـانـ الـحـقـنـاـ بـهـمـ

ذريتهم وما التناهم من عملهم من شيء. كل أمرٍ بما كسب رهين. وللحديث بقية أن شاء الله تعالى. اقول قولي - 00:47:52  
هذا واستغفر الله العظيم لي ولكم. وصلى الله وسلم وبارك على نبينا محمد والحمد لله رب العالمين - 00:48:12